



C A P U T IX.

*De Processu Edicτali, sive Concursu
Creditorum.*

§. 80.

Concursus apud Judicem excitandus est, cui obæratus ex sua qualitate personali subjectus est, attamen duntaxat relate ad bona, in eadem provincia aut regno existentia, atque adeo quum obæratus Bona in pluribus provinciis possidet, Concursus in qualibet provincia relate ad bona ibidem existentia apud illum Judicem moveri debet, cui obæratus ex sua qualitate personali subjectus foret, siquidem in provincia habitaret.

§. 81.

Concursus in sequentibus casibus sine mora excitandus est. *a)* Si aliquis profiteatur se solvendo non esse. *b)* Si quis mortuus fuerit, et Hæres declaratus respectu bonorum ad Hæreditatem pertinentium, vel in defectu

defectu Hæredis, Curator massæ hæredi-
tariæ Concursum excitari postulabit. c) Si
quis ob debitum jam inarestatus ab alio credi-
tore nova executione impetratur.

§. 82.

Si unus, vel plures e Creditoribus Con-
cursum postulent, quin manifestum sit, peti-
tionem sine justa Causa, vel solum animo
Debitorem divexandi factam esse, pro rei di-
lucidatione dies ad Terminum, quantum fieri
possit, brevem præstituenda, ac Debitori
injungendum est, ut vel Creditoribus Con-
cursum potentibus, de Satisfactione caveat,
vel statum Bonorum suorum activum, & pa-
sivum conficiat, eundemque die dicta Judici
exhibeat.

§. 83.

Si Debitor Creditoribus potentibus, de
solutione non caverit, vel die præstituta non
comparuerit, vel statum Bonorum suorum non
exhibuerit, vel denique se omnibus Credi-
toribus

toribus satisfacere posse non probaverit, Concursus sine cunctatione aperiendus est.

§. 84.

Concursus aperitur per Edictum, quod pro Convocatione Creditorum expediendum est; idcirco Concursus quoad effectus Juris, qui ex eo nascuntur, a die publicationis memorati Edicti apertus habendus est, quapropter Judex Concursus hanc Publicationem, quantum possit, tempestive fieri curato, ac diem, quo Publicatio facta fuerit, accurate adnotato.

§. 85.

Concursu aperto, id est rite publicato, contra Creditarium a nullo Judice ulterius valide procedi potest, sed Partes ad Judicem Concursus inviandæ sunt.

§. 86.

Dum Concursus aperitur Judex simul a) Curatorem ad Lites constitutus, solummodo in Pagis et Oppidis, si Creditores de liquidatione, coram Jus dicente facienda, inter se

consentiant, is liquidationem cum ipsis Creditoribus suscipere potest, ita tamen ut præprioris totum negotium per transactionem componere omni diligentia satagat, alioquin vero secundum ordinem ulterius procedat. b) In ipsa pariter aperitione concursus Judex Bona obaerati simul judiciali ob-signatione præcludat, describi, ac æstimari jubeat; uti etiam c) petito, ac impetrato assensu creditorum qui noti sint, & in loco Judicij commorentur, vel etiam, si necessitas poscat, ex officio Curatorem Bonorum constituat, ac denique d) Omnes, qui contra obaeratum actionem habeant, publico Edicto citet, iisque H injungat, ut nomina sua usque ad certum ac præstitutum diem edant, secus vero se a Bonis extantibus, quatenus ea a creditoribus comparentibus exhausta fuerint, exclusos fore sciant.

§. 87.

Terminum, in quo credidores nomina sua, seu actiones profiteri debeant, Judex pro

circumstantiarum conditione præfiniat, nunquam tamen ampliorem sex Mensibus, neque angustiorem triginta diebus, feriis tamen semper inclusis,

§. 88.

Edictum valvis curiæ affigendum, & Ephemeridibus publicis inferendum, simul præfixus terminus Gubernio Judiciali eo fine statim significandus est, ut illud id omnibus Regni Foris indilate notificet, quo hoc vicissim Terminum hunc ut primum publicum reddere, & vertentes nefors contra Cridatarium Processus sistere possit. Gubernium una concursum apertum etiam Tribunalibus Appellationum, in Provinciis Germanicis & Hungaria existentibus, notificabit, ut sua quoque ex parte necessariam publicationem procurare possit. Creditores vero publicis Hypothecarum tabulis inscripti singillatim citandi, & cuilibet eorum citatio ita intimanda est, quemadmodum Reo convento, habita ratio-

ne præsentiaæ suæ, vel absentiaæ primus Libel-
lus communicari debet.

§. 89.

Curatoris ad Lites constituti est, accepto
decreto cum creditoribus notis statim, cum
reliquis vero eo ordine, quo quisque
comparuerit, liquidare. Quod si ante lap-
sum Termini, actionibus profitendis præstitu-
ti, liquidationem cum omnibus creditoribus
penitus absolverit, peculiaris ratio hujus di-
ligentiæ in remuneratione eidem adsignanda
habenda est.

§. 90.

Creditores nomina sua porrecto, qualem
Processus ordinarii forma requirit, libello pro-
fiteantur: singulæ vero Petitiones tam in
Protocollo Judiciali, quam a Curatore ad lites
accurate adnotandæ, dein vero suo tempore in
Elenchum fideliter referendæ, hic vero ad acta,
ut pro creditorum classificatione præsto sit,
reponendus est.

§. 91.

Super qualibet professione creditoris, quemadmodum super alia quavis petitione judiciali procedendum est: unusquisque vero creditorum in eadem non solum de liquiditate actionis suæ, sed etiam de Jure, vicinus in hac vel illa classe collocari petat, valide docere debet. Liceat tamen singulo creditori originales obligatorias inspicere, &, si quæ ipsi contra earum authentiam occurrent reflexiones, illas cum Curatore ad Lites pro explendo munere suo communicare.

§. 92.

Postquam super omnibus insinuationibus Creditorum, quæ usque ad lapsum Terminii in edicto præfixi factæ fuerint, processus conclusus, & acta inrotulata fuerint, super quavis professione circa liquiditatem prætentoris sententia in separato ferenda; simul vero classium, in quibus universi creditores nomina sua professi collocari debeant, ordinatio perficienda, eaque rite publicanda est.

Publicatio autem hæc ita instituenda est, ut clas-
sificatio in integro suo complexu Curatori bo-
norum & Curatori ad lites, singulo vero credito-
ri ille classificatoriæ Paragraphus, qui eundem
concernit, intimetur: singulo tamen credi-
torum liberum esto, integrum classificationem
apud Curatorem bonorum vel ad lites inspice-
re, aut illius copiam sibi a Judice expetere.

§. 93.

Ante omnes reliquos creditores ponen-
di sunt a) qui rem mobilem vel immobilem
tempore concursus aperti adhuc in natura
inter bona debitoris seu in Massa repartam,
ex deposito, commodato, locato, aut alio
dominii vel proprietatis Jure expetunt, non
tamen ii, qui debitori aliquid vendiderunt,
quin pretium rei emptæ receperint. b) Uxor
respectu rerum, & bonorum allatorum, inter
substantiam Mariti in natura adhuc reperto-
rum. c) Ii qui aperto concursu pro ipsa massa
pecuniam, vel operam suam impenderunt,
veluti Curator ad Lites, et Bonorum.

§. 94.

§. 94.

In prima classe collocandi sunt ii, quibus Jus prioritatis praesenti ordine Judiciario attribuitur: nimirum a) Praestationes Aerario Principis, nec non dominiis debitae. b) Expensae necessariæ pro sepultura obærati. c) Expensae necessariæ in luctum factæ, eo duntaxat casu, si debitor concursu nondum aperto mortuus fuerit. d) Domestici, qui pro victu, vel mercede, vel pro utroque simul unico domino serviunt, quoad Mercedem ab uno anno a principio concursus retro numerando sibi debitam, nisi docere possint, se illam petiisse, dominium nihilominus eam se invitis retinuisse, quo casu merces a triennio retro numeranda in hac classe collocanda est. e) Uxor respectu suæ Allaturæ in natura non amplius existentis, quatenus ejus investitionem bonis & fundis mariti sufficienter probaverit, nec non respectu dotis legalis casu quo Concursus post fata mariti celebretur, salva in reliquo quoad jura

vidualia in substantia nefors remansura, legum provisione. f) Pupilli, vel ii, qui de lege pupillis æquiparantur quoad prætensiones suas contra Tutores & Curatores reddendis rationibus obnoxios. g) Medici, Chyrurgi, & Pharmacopolæ propter id, quod pro cura debitori præstata & medicamentis suppeditatis ab anno sibi competet. h) Fumarii pro mercede annua a die moti concursus computanda, omnes vero creditores in hac classe positi, si massa pro integra omnium satisfactione non sufficiat, solutionem solummodo juxta proportionem prætensionum suarum, quin ullo interesse prioritatis jure gaudeant, accipiunto.

§. 95.

Ad secundam Classem referendi sunt omnes ii, qui rem mobilem in pignore habent vel rem immobilem in hypothecam medio factæ intabulationis obtinuere, & quidem hi juxta prioritatem temporis factæ intabulationis, secus vero pro casu factæ simultaneæ intabulationis juxta prioritatem temporis,

quo

quo obligatoriæ emanarunt, specialem tamen habentes hypothecam in serie suæ excontentationis ipsam hanc hypothecam pro fundo suæ excontentationis petere possunt. Si quis tamen per effectivam publice, & legaliter factam traditionem fundi realem hypothecam obtinuit, etiam si intabulatus non fuerit, reliquis creditoribus posterius intabulatis præfertur.

§. 96.

Quoad debita a 1^{ma}o Maji 1786. contrahenda, usuris de forte, cui jure pignoris vel hypothecæ cautum est, idem prioritatis jus, quod sorti ipsi competit, pro triennio, ab aperitione concursus retro numerando. Quod si autem jam antea pro ejusmodi usuris, & quidem sine intermissione Judicio actum fuerit, tam usuræ, quarum dies intra triennium, a die motæ actionis retro numerandum, quam ab illo tempore usque ad initium concursus & cessit, & venit, eodem jure gaudeant, adeoque fortis conditionem sequantur.

§. 97.

§. I 97.

Ad tertiam Classem pertinet Fiscus pro eo, quod a persona munere publico fungente ipsius muneris causa veluti restantia Cassæ aut pro officii decretis debitum postulabit.

§. 98.

Circa usuras de sortibus, seu capitalibus ad tertiam Classem spectantibus debitas observandum est id, quod §. 96. pro usuris sortium pignore, vel hypotheca munitarum constitutum est.

§. 99.

Ad quartam Classem referendi sunt Fiscus quoad prætensiones e Contractu oriundas, atque cæteri omnes Creditores simpli- cies Chyrographarii: hujus vero Classis creditores e residuis bonis juxta proportionem prætensionum suarum sine discrimine exfol vantur, & quoad usuras id, quod §. 96. circa usuras creditoribus hypothecariis debitas præfinitum est, itidem observetur.

§. 100.

§. 100.

Sub quinta Classe veniunt Usuræ debitorum a 1^{ma} Maji 1786. contractorum, quibus hac lege idem jus cum forte seu Capitali attributum non est, & quidem sine discrimine, & pro ratione duntaxat quantitatis debitæ.

§. 101.

Ad sextam denique Classem spectant a) Creditores titulo lucrativo venientes, id est quorum prætensio ex mera Debitoris liberalitate oriebatur, e. g. Donatarii & quidem pariter sine differentia pro ratione actionum suarum, quibus b) succedit Fiscus pro multis sibi adjudicatis; utrumque vero hoc genus prætensionum in hac Classe tunc solummodo collocandum est, cum eidem pignore, vel hypotheca cautum non sit.

§. 102.

Si in Massa concursus metallifodina, aur machinæ, vel officinæ metallicæ, veluti Officina contusoria, excæctoria, seu fusoria,

mal-

maileorum ferrariorum , aut simile quid eo
pertinens contineatur , quoad hæc solum bo-
na, non vero quoad reliqua ad concursum de-
voluta Creditoribus §. 94. designatis in pri-
ma Clasē præferendi sunt sequentes ordine
pariter sequente : a) Fiscus Summi Principis ,
vel illi Domini fundi , qui decimas metalli-
cas , redditus ex partibus metallicis hæredi-
tariis , vel recognitionem trimestralem perci-
piendi speciale jus habent ; & quidem ratio-
ne eorum proventuum , qui illis competit ,
titulo decimarum metallicarum Canonis me-
tallici , vel urburæ , partium metallicarum
hæreditiarum , vel earum , quæ Dominis
fundi pro administratione lignorum gratis fa-
cta in fodinas reservatæ sunt ; uti & ratione
ejus , quod illis nomine recognitionis trime-
stralis a colonis metallicis , seu exercitoribus
metallifodinarum pendi debet ; ratione hujus
recognitionis tamen solum pro tribus anni
quadrantibus a die recursus aperti retro nu-
merandis : b) Coloni metallici , seu exercito-

res fodinarum, vel officinarum metallicarum ratione fructuum, seu redditum ex fodinis seu officinis, decisa jam distributione eorum. c) Ut etiam ratione Symbolorum, seu Collectarum pro impensis in fodinæ culturam ære numerato factarum, atque penes obæratum existentium, tum & ratione promptuarii, materialisque cujuscunque generis ad usum operis Metallici servientis, & sumtu communi fuppeditati d) Opera fodinarum, officinarum contusoriarum, excoctoriarum seu fusoriarum, malleorum, aliarumque officinarum metallicarum ratione mercedis suæ, & quidem duntaxat pro duobus anni quadrantibus a die redditæ ultimæ rationis metallifodinarum vel officinarum ante motum concursum retro computandis. e) Ærarium pauperum metallifosorum ratione denarii communis, quem Debitor ex mercedibus operiorum metallicorum jam deduxerit, non tamen in arcam societatis pro affervanda hac pecunia destinatum intulerit. f) Possessores, seu cultores cuniculorum hære-

ditariorum ratione nonæ partis, & alterius juris ex ejusmodi cuniculis illis competen-
tis. g) Ii, quibus census de puteis , perticis
cuniculi, aquis deductis fodinarum, vel aliud
ejus generis jus in metallitodinis compe-
tit, solummodo tamen pro duobus anni qua-
drantibus a die, quo ultimæ rationum metal-
licarum tabellæ ante concursum editæ sunt,
retro numerandis. Nec non ii , qui ex con-
ventione censum pro Officina contusoria, ex-
coctoria , vel fusoria petere possunt , pro
uno duntaxat anno ab ultima rationum Me-
tallicarum editione concursum præcedente
retro computando.

§. 103.

Eodem modo hoc in casu Creditori ter-
tiæ Classis §. 97. designato anteponendi sunt
Suppeditatores sumtuum , qui pro excolen-
dis fodinis , vel officinis metallicis , ac Sus-
tentatione operariorum pecunias , cibaria ,
aliasque res ad opus metallicum necessarias in
anteceſsum suppeditaverint , si te tamen prius

qua tales libris Judicij Metallici immatriculari fecerint; solummodo autem pro duobus anni quadrantibus a die, quo ultimæ rationes metallicæ ante concursum redditæ fuerint, retro computandis.

§. 104.

Creditoribus post apertum concursum Utilitatem quidem currere pergent, expensæ tamen, quas pro liquidatione prætensionum suarum fecerint, iisdem adjudicandæ non sunt.

§. 105.

Subditis exterarum Ditionum pro Actionibus suis par jus cum indigenis vel incolis tribuendum est, si probatorio suæ Superioritatis documento doceant, quod in Ditione, ad quam talis Creditor pertinet, subditis Regni Hungariæ par jus cum indigenis concedatur: qua probatione deficiente jus reciprocum accurate observandum est.

§. 106.

A sententia super liquiditate prætensionis lata tam Creditori, quam Curatori ad Lites,

siquidem hic , vel ille se gravatum existinet , appellare integrum esto ; contra classificatoriam vero appellare non liceat , verum Creditoribus , qui se vel in meliori classe collancados vel Jus prioritatis alterius Creditoris impugnandum existimabunt , in Classificatoria facultas reservanda est , ut petitionem suam intra 30 dies exhibere queant . Classificatio enim pro sententia habenda non est , sed pro Judiciali quodam schemate , quod tantum effectum Rei judicatae eatenus obtinere potest , quatenus in tempore , ordine hoc judiciario præscripto , impugnatum non fuerit .

§. 107.

Illi , qui in Termino per Edictum præfinito , actiones suas in Judicio non denunciaverint , postea audiendi non sunt , etiamsi Jus compensationis iisdem competenteret ; vel etiam rem jure Dominii a massa vindicare possent , vel denique Actioni suæ per Hypothecam rei immobilis , ad obæratum spectantis , cautum es-
set , quamobrem in classificatoria declarandum

est, omnes, qui Jus suum non insinuaverint,
 sine exceptione præclusos esse; imo si talis
Creditor massæ vicissim aliquid deberet, Jure
 compensationis cadit, id est, ille prætensionem
 suam activam, cuius insinuationem prætermisit,
 amittit, Curator nihilominus ad Lites præten-
 sionem massæ contra illum prosequi potest,
 quod tamen ad Quæstores, qui in correspondia,
 & reciproco commercio stant, eate-
 nus tantum extendendum venit, quatenus
 Quæstor videns data sua plus, quam accepta
 efficere, solutionem a massa Cridaria exigere
 velit, non vero, si Quæstor viderit data massæ,
 cum acceptis exæquari, aut ab iis superari,
 tunc enim Concursui se sistere non tenetur,
 sed solummodo Curatori ad Lites liquidationem
 petenti respondere obligatur.

§. 108.

Qui Jus prioritatis sibi competere existima-
 bit, sub amissione hujus Juris intra 30 dies adie,
 in quo classificatoria publicata fuerit, nume-
 randos, adversus omnes, quos idcirco con-

veni-

venire volet, Actionem prioritatis instituere ac simul, separato tamen supplici libello, petere debet, ut Judex pro constituendo Creditoribus, contra quos agere vult, communi Advocate diem dicat.

§. 109.

Si petitionem, seu actionem prioritatis in Termino præfinito exhibere nequeat, triduo saltem, antequam hic Terminus elabatur, dilationem implorato; tam vero in implorando, quam in concedendo hoc Termino dilatorio ea observanda sunt, quæ in hoc Ordine Judicario circa dilationes pro præsentatione exceptionis præscribuntur.

§. 110.

Die præstituto Creditores conventi communem patronum eligunto; dissentientibus vero suffragiis ille, in quem majora præsentium consenserint, designandus, vel si Creditores neminem nominaverint, a Judice ipsorum periculo, Patronus constituendus est.

§. III.

Petitio prioritatis communi defensori tradenda, ac super eadem perinde, atque super alia quavis petitione procedendum, nisi quod primus Terminus pro porrigena responsione 14 diebus tantum circumscribendus est.

§. 112.

Curator bonorum bona suæ administratio- ni concredita, cum diligentia boni Patrisfamilias curare; pecunias in numerato extantes, & res pretiosas, nisi Creditores se easdem penes ipsum relinquere velle expresse declarent, judicialiter deponere, Activa ad massam spe- etantia, via amicabili, vel Juris exigere, res vero corruptioni obnoxias, vel eas, quarum conservatio multum dispendii afferre solet, ac inutilis foret, tempestive Auctioni, judiciali tamen, exponere debet, ita quidem, ut si ejusmodi res citra periculum damni usque ad secundam, vel tertiam auctionem adservari non posset, eadem in prima auctione etiam infra pretium, quo æstimata fuerit, vendatur, acce-

den-

dente tamen Curatoris massæ, & Creditorum consensu etiam extra auctionem venumdatio rei mobilis ad massam spectantis fieri potest.

§. 113.

Statim post lapsum Termini, insinuandis Nominibus adsignati, Curator ad Lites contra universos Creditores Diem dici petet; hi vero dicto Die, vel Curatorem Bonorum interim constitutum confirment, vel alium pluralitate Votorum eligant.

§. 114.

Eodem die Creditores insuper deputationem e numero suo per Majora itidem suffragia constituunt, quam Curator Bonorum, si quid gravioris momenti incidat, consulere debeat, & cui rationes administrationis quotannis reddat.

§. 115.

Si Creditores Curatorem Bonorum, vel Deputationem eligere nolint, aut præfixum sibi Terminum circumducant, Judex ipsorum periculo illum, hancve constituat, si vero suffragia præsentium æqualiter divisa sint,

unum ex iis, qui propositi fuerint, suomet Arbitrio confirmet.

§. 116.

Curator Bonorum confirmatus vel electus, sine mora judicialem Auctionem extantium adhuc Bonorum mobilium, nec non fundorum immobilium, quatenus civiles, aut rustici sunt, fieri curato; Immobilia vero Nobilitaria, siquidem alioquin aestimata sunt, ad futuram repartitionem reservato.

§. 117.

Res, quas neque in prima, neque in secunda Auctione, saltem tanti, quanti aestimatæ fuerint, vendi contigerit, tamdiu adservandæ sunt, donec classifieria perfecta, & jus prioritatis Creditoribus, suum cuique adjudicatum fuerit; postea vero res omnes, quæ de Bonis obærati adhuc extabunt, atque adeo etiam Chirographa, aliave Nomina ad Massam spectantia (nisi creditores, prius audiendi, ea in solutum accipere ultro malint) plus offerentibus

tibus, nulla æstimationis habita ratione, vendantur.

§. 118.

Qui rem immobilem de Massa quovis modo legitimo adquisiverit, ei Judex documentum Legitimationis edere debet, necessarium ad id, ut in rerum Mobilium, aut fundorum immobilium, quatenus civiles, aut rustici sunt, proprietatem, aut vero in fundorum Nobilitarium Possessorium Jure pignoris judicialis tenendum, introducatur.

§. 119.

Bonis obærati ita compositis, ut creditoribus solutio vel integra, vel ex parte fieri queat, in primo casu nulla interjecta mora, in secundo vero ad postulationem Creditorum Curator Bonorum repartitionem totius summæ pro ratione prioritatis cuique Creditorum competentis conficiat, eandemque una cum omnibus allegatis Deputationi tradat; Creditores vero de eo judicialiter certiores reddantur; Ilistamen, quorum Jus prioritatis extra om-

nem

nem controversiam positum esset, etiam dicta repartitione non expectata, quamprimum fieri possit, satisfaciendum est.

§. 120.

Cilibet creditor iugulum esto, repartitionem penes Deputationem inspicere, ac examinare, suasque exceptiones, quas habeat, contra eandem in Judicium deferre; id tamen intra 14 dies, postquam judiciale notitiam de illa acceperit, quivis facere debet, secus postea non audiendus; exceptiones vero adversus repartitionem productæ, auditis prius creditoribus, quorum intererit, dirimendæ sunt.

§. 121.

Si intra 14 dies nulla exceptio contra repartitionem interposita, vel exceptiones interpositæ diremptaæ fuerint; Deputatio repartitionem a se subsignatam Judici tradat, a quo retinenda est; Curatori Bonorum vero apographum repartitionis transmittendum, ac simul injungendum est, ut juxta eandem cre-

ditoribus, qui se praesentabunt, sine mora solutionem præstet.

§. 122.

Curator Bonorum cuivis Creditori quantum partem erga epocham exsolvat: ab iis Creditoribus, quorum Actioni, ex toto satisfactum fuerit, Chyrographa restitui, nec non Acta ad Liquidationem pertinentia sibi tradicuret; quoad eos vero, qui petitam satisfactionem tantum ex parte obtinuerint, quantitatem soluti super Chyrographo, Autographo, seu Originali exacte adnotet, & apacha in Actis recepta, expensam ferat: pro iis denique Creditoribus, qui pro solutione obtainenda intra tres menses non comparuerint, obtinquentem ipsis e repartitione portionem, pro unoquoque separatim judicialiter deponat.

§. 123.

Super satisfactione creditoribus præstata Curator Bonorum una cum Deputatione intervallo trium mensium, postquam Apographum repartitionis, juxta praescriptum §. 121. sibi

trans-

transmissum fuerit, adaequatam relationem Judici porrigere, eique Apochas a quolibet Creditore datas, Chirographa restituta, Acta sibi tradita, nec non Apochas judiciales, quas pro portionibus adjudiciale custodiam depositis receperit, adjungere debet. Judex vero hanc relationem diligenter examinato, et si satisfactionem Creditorum repartitioni authographae penes se retentae penitus consentaneam, atque in omnibus rite factam invenerit, processum Concursus finitum declarato.

§. 124.

Si terminato etiam concursu eveniat, Debitorum aliquid reticuisse, aut novam substantiam acquisivisse, substantia haec tamdiu ad concursum trahi potest, donec omnibus creditoribus integre satisfactum fuerit, quo casu Creditoribus nondum excontentatis solutio juxta Ordinem Classificatoriae praestanda est.

§. 125.

Si quis Creditorum, qui excontentationem nactus non fuit, observet, fundum quemdam no-

bilitarem alteri cuidam Creditorum sub minori,
quam ipsemet sua ex parte offert, pretio obti-
gisse, integrum illi esto, contra eundem ad su-
perinscriptionem procedere, quo casu consti-
tutus in possessorio Creditor, aut bonum Actori,
sub majori illa, quam offert, summa, cedere,
aut id, in quo oblata summa eam, sub qua fundo
potitus est, excedit, Actori numerare tenetur:
salvo creditori in possessione constituto jure,
quoad meliorationes in fundum factas, indem-
nisationem quoque, atque solutionem petendi.

C A P U T X.*De Processu Rationario.*

§. 126.

Domiñis facultas est ab Officialibus suis
rationes exigendi, siue subversetur peri-
culum, una petendi, ut res eorundem mo-
biles in sequestrum judiciale suvantur.

§. 127